



Republic of Namibia

MINISTRY OF EDUCATION, ARTS AND CULTURE

NAMIBIA SENIOR SECONDARY CERTIFICATE (NSSC)

THIMBUKUSHU FIRST LANGUAGE SYLLABUS

ORDINARY LEVEL

SYLLABUS CODE: 6106

GRADES 10 - 11

**FOR IMPLEMENTATION IN 2019
FOR FIRST EXAMINATION IN 2020**

Ministry of Education, Arts and Culture
National Institute for Educational Development (NIED)
Private Bag 2034
Okahandja
Namibia

© Copyright NIED, Ministry of Education, Arts and Culture, 2018
NSSC Thimbukushu First Language Syllabus
Ordinary Level Grades 10 - 11

ISBN: 978-99916-66-80-8

Printed by NIED

Publication date: 2018

THIMBANGU THOYIKARAMO

1.	Mwingeneno	1
2.	Nunderero	2
3.	Yitambo	2
4.	Mapathwerero ghoKuwedhererako	3
5.	Yikaramo yoYikuhonga	4
5.1	Kughamba noKutegherera	4
5.2	Kutoya noKutjanga	8
6.	Yikonakona	15
6.1	Yitambo yoYikonakona	15
6.3	Mashingweneno ghoMapepa	18
6.4	Mashingweneno	27
6.5	Mashingweneno Naro dhoYiwanamo	28
Thirameka A: Thikorekitho Makamweneno (Dipepa 1)		31
Thirameka B: Thikorekitho Thirughana thoThitjangatambithera (Dipepa 1)		32
Thirameka C: Thikorekitho Yitjangathimwetwedha (Dipepa 2)		34
Thirameka D: Thikorekitho Yihutha yoKudheghetera (Dipepa 3)		36
Thirameka E: Maghorwero ghoDipepa dyoYirughanatumwa yopaShure (Dipepa 4 No 5) ...		37

1. MWINGENENO

Dighanohongithitho dyoNamibia Senior Secondary Certificate (NSSC) kwa di tambithera ndhira dhomakonakono ghomyaka dhiwadi munyima dhoJunior Secondary Certificate. Dighanohongithitho kwa di rongeka mu kukumitha mo yihima yoNational Curriculum for Basic Education in Namibia no dya pwa kufundhwerwa pangamu dhaNational Examination, Assessment and Certification Board (NEACB). Manaro ghoNSSC Ordinary noAS ne gha kuyarekera yitambo yopopahe noyitambo yoyikonakona yokukupitura, ene makonakono gha neghedha makurero mughuyaghayu noghudhungi ghomakurando ghoNSSCAS. Marundurukero ghomipango dhoNSSCAS kughawana muyikaramo yoyikuhonga, mumanaro ghoghukukutu ghoyitoyamingwa, mumihingo noyinyanda yoyirughanatjanga, mumarundurukero ghomakuhongo ghoyithimwetwedhatjanga nomughukukutu ghomayendithitho yikonakona. Dighanohongithitho di mbo hana di rughanitha mumashure agha ha honganga Thimbukushu munaro dhi.

Mayendithitho ghoNational Curriculum Guidelines, agha gha kundama naro dhoMakuhongo ghoSekondere ghoMukuru (Ngcara 10 no 11) nopanaro dhomakuhongo ghokukukarera, gha nongonona ghunu wamwanuke no gha dhundeka dighano dyomakuhongo dhemenena-mwanuke.

Dighanohongithitho dyoNSSCO Ndimi dhoKutanga dyemana panaro dhokukuma ku 8 kutunderera A* kare G nonaro tho 9 edhi dhemana pa“U” eyi yina kutongora eshi oyo mwanuke ne mbadi ghana tombora mo thongandji. Naro dhi dhokuhurerera kuneghedha eshi mwanuke mbadi ghana yangura mo tongandji to kumukumitha pa G, naro dhopamuve.

Yitambo yoNamibia National Curriculum Guidelines ne mu:

- kunongonona eshi yikuhonga ya hatithera mo makurithero ghoghukaro nomi mwene pofotji noghudimuki nomaghundondoro;
- kukuritha matambwero nomatjwathaneno ghoghukaro nomatawero ghawamweya mumukunda ghothivunganyi thoyitjo nomandimi;
- kutjokedha dikuto dyoghunu wamunu nohoru dhoghughambero;
- kutapa ghudimuki nomatjwathaneno ghoyinu yomudyo mukaye, kumakutjindjero ghombokapwe, eyi yina kundama ghuparo mwene wawanu: dihamba dyoAIDS, mayenyena ghokaye, mepithero ghomikunda, ghushumbwa ghomayarekero ghushwi, mavurero ghomarwanamvo nomvo, makurero ghotekinolodji;
- kunongonona eshi thika di ghana kuredhupa mawaneno ghomapathwerero, hanuke ha kona kukuritha manongwahu ghawo ghokugharava, kutjwathana no kukengurura marughanithero mwene ghomapathwerero gha;
- kushana mu kutjoka-tjoka no kutjokedha hanuke ha kure mumundinda wawo no kuwatheritha mumakurero ghomukunda, ghushwi nothitjo.

Podigho eshi dighanohongithitho dyoThimbukushu Ndimi dhoKutanga dya kona kutapa ruvedhe rokurundurura maghundondoro mundimi dhi. Maghundondoro gha mbadi wa kughakuritha papagho ghathinda, ene mumapakerero ghothikuhonga. Ndimi dhoThimbukushu dha kona kuyeyura maghundondoro ghano hana taradheka no* (nungwedhi).

- Ghundondoro ghokutara
- Ghundondoro ghomakunungathaneno*
- Ghundondoro ghomapathwerero*
- Ghundondoro ghokushutura maghukukutu*
- Ghundondoro ghomarughanithero yirama

- Ghundondoro ghomayendithitho ghathinda nomayeyukero*
- Ghundondoro ghoghundambo nomarughaneno pofotji *
- Ghundondoro ghopathirughana nomuyikuhonga *
- Ghundondoro ghokughayara ghuthinganyeka*

2. NUNDERERO

Mayarekero ghondimi muNamibia, kuninga eshi marongathaneno ghopathinamuragho nomudyo ghondimi, ne gha kutjindja wangu munyima dhomashutukero. Makutjindjero mbo ghana kundama thikuma yihonga yomandimi nohamitiri hondimi ghana wa tamba thikuma mayerekero gha. Mudyo keho thikuma mu kutjwathana eshi pashanye ghana kuhokokera makutjindjero gha nomayerekero munye agha gha di po.

Makuhongo muNamibia gha di keho thikuyonga thokudhira kupwa, makengwerero nomaturitheropo maghano ghomapya mukukondjera kuturitha po makuhongo mwene kwawanu homuNamibia. Podigho keho eshi paghukaro ghokenge ghu, dighanohongithitho Thimbukushu Ndimi dhoKutanga dya pwa kuturitha po no kuditura muthirughana pangamu dhoGhuminisiteri nothitambo thokuroghuthurura mudyo nomakurikanyithero ghomakuhongo. Mayendithitho gha ghomakengwerero nomaturitheropo ghodighanohongithitho ne kwa gha turitha po kukutha mahateromo ghokehepano, yikuyonga nomarughaneno pofotji pakatji kawanuke, mamitiri nohamweya hakwatithi makuhongo mu ka wana yitambo yodighanohongithitho.

Mayerekero ghomakuru ghokuhatera kundimi nothitjo kwa karera po kukutha eyi ha tjanga muDidhiveta dyaNamibia mumuragho ghothimingwa 3 no 19. Mu kuwedherera ko kuturitha po ghukaro ghokurughanitha ndimi dhokutanga pamakurikanyithero ghomandimi ghomahe, Didhiveta shime dya turitha po yirughanitha yoyipya mumandimi ghomahe ghomumambunga ghomuNamibia. Yirughanitha yi kukona kuyithothonona mukukutha yino yina kuranda ko:

- mudyo ghomakuhongo mumayenditho ghoyikuhonga
- kurughanitha ndimi pathinamuragho kuyitambo yira mumikundatorwero, mumayendithitho, mumatoteropo miragho, mumandhango, noyimweya kengeyo .
- muhingo mwene ghonungathano nomashwaghithero ghoyothitjo.

Pamurandu ghoyi pawiru, yi di mudyo mukushimba manaro ghomudyo mawadi ghomakurithero mayendithithohongo. Nunderero dhokutanga dhina hatera kuthirughana thoNdimi dhoKutanga mumahungekero ghomwimi dhoditunga, oku thoghuwadi ne mahungekero ghomunu thinda. Dighanohongithitho dya kondja mukukuritha matambwero nomatjwathaneno ghamunu thinda, mudyo ghondimi dhendi nodhawamweya. Ghukaro ghokemo kughuturitha po mumuhingo ghomakuhongo mwene.

3. YITAMBO

Yitambo yi kwishi kwa yi turithera po mu kushingonona yitambo yomakuhongo ghoThimbukushu Ndimi dhoKutanga kumakonakono ghoNSSCO. Yitambo ne yo:

- kutawedhera hanuke mu kuyareka mughuhunga muyighamba nomuyitjanga yawo,
- kutawedhera hanuke ha tjwathane no kuhutha mughuhunga kuyinu eyi hana kuyuva, kutoya, kumona no kukumonena,
- kutawedhera hanuke ha djabwane nomatambwero ghomarughanithero ghondimi,

- kutjokedha hanuke ha nyanyukere kutoya yithimwetwedhatjanga noyitoyamingwa yimweya,
- kukuritha no kutjokedha ghukaro mwene, matoteropo noyithimwa yopakanwa mudiko dyaNamibia,
- kutjokedha hanuke ha shane yinga eyi yina kundama hanu mukaye mu kuwana ghudimuki,
- kuwedherera maghundondoro ghawanuke kuyinu yishawingi (yira kuyakunutha, kugharava, kughoya, kurongeka ghushupi, kuyareka yighayara, kunongonona ghufwiki),
- kukuritha makutjwathaneno nomatjwathaneno ghoyikuyuva, matawero ghawamweya mumukunda ghomandimi ghothivunganyi nomako ghokukushemwathana.

4. MAPATHWERERO GHOKUWEDHERERAKO

Maviri ghokukuhonga

Dighanohongothitho di kwa di thinganyekera eshi mwanuke gha wane maviri ghokughanekera ku 130 eshi gha kuhonge Thimbukushu mummyaka dhiwadi, ene eyi ne yighanekera ngenyu. Thivarero thomaviri agha ha ghanekera ne kukutjaka-tjaka kutwara kumashure noghudimuki ghokare wamwanuke mu kuwana thishupo thonaro dhi. Mayendithithohongo gho*National Curriculum for Basic Education* (NCBE) gha neghedha eshi ethi thikuhonga mbo hana thi hongo mumaperiyode 8 ghominute 40 mukehe periyode mumakurandoruvdhe ghokukuthigha-thigha, kukutha matokwero ghoshure.

Yikuhonga yokare

Hanuke awa hana kutanga makurando gha ha wa taterera mu kukara noghudimuki ghoThimbukushu Ndimi dhoKutanga munaro dhoSekondere ghoMumburu, Ngcara 8-9.

Marundurukero

Naro dhoNSSCO ne thothishupo thokutawedhera hanuke ha rundurukere kuyirughana, ngambi ha rundurure makuhongo ghawo. Hanuke ho kuwana C kare A* muNSSCO ne ha pya mu kurundurura makuhongo ghawo ghokutwara kughutho setifikate gho*Namibia Senior Secondary Certificate Advanced Subsidiary (NSSCAS)*, ngeshi kukona.

Yihongithitho nomambapira ghokufundhwera

Dighanohongithitho dyoNSSCO, mapepa ghokutjanga, noyitundamo yawakoreki kuyituma kumashure. Dokumende ghoYikonakona muThimbukushu, pofotji nomapepa ghoyitamenedhi rwipuritho, ngeshi kukona, kuyituma kumashure. Yihongithitho nomambapira ghokufundhwera kuyiwana mu*Senior Secondary Textbook Catalogue*, no kuyituma kumashure.

5. YIKARAMO YOYIKUHONGA

5.1 KUGHAMBA NOKUTEGHERERA

YITAMBO YOPOPAHE	YITAMBO YENEYENEPO
<i>Hanuke hana:</i>	<i>Hanuke ha kona:</i>
1. kutegherera thiwana kumapathwerero ghokukutjaka-tjaka nothitambo kutunderera ku: thithimwetwedha, membo, thighamba, yitundamo, diñambwe, mbudhi, radiyo, mayuvitho noyikuyonga.	• kutegherera ghunyanyukera noyishamberera(mitanuro, yithimwetwedha yoyifupi noyimweya.) • kuneghedha matjwathaneno • kunongonona makurando, yiredherapo noyitundamo • kurughanitha mbudhi edhi hana yuvu • kugharava no kunungathana mbudhi yira: (kukuritha po makuwero nomakutjakero, maghuwa nomaghuyi) • kuthinganyeka yitundamo yoyithimwetwedha yopakanwa • kurughanitha mbudhi edhi hana yuvu mukumanitha thirughana, yira: yitundamo noyinangwera • kundjomadheka kuthikuhonga ethi hana yuvu
2. kutegherera no kutjwathana marawero	• kutjwathana, kunongonona no kupirura mañando ghomudyo mumarawero, yira: - kuthothonona - kutoyaghura - kurimbekitha - kuyedhekeritha - kukuyonga
3. kunongonona makutjakero ghomarudhi ghompwero no kuhutha ko dyodi ya roghera	• kuhutha thiwana dyodi ya roghera kumepwero agha ghana nyanda mapathwerero ghokuwedherera ko • kunongonona mepwero ghofwefwere • kuhutha kumepwero ghokukutjaka-tjaka yira: ghothitambo, ghokuyandhurukera, “kemo ngambi mbadikemo,” nomepwerotananaritho

YITAMBO YOPOPAHE <i>Hanuke hana:</i>	YITAMBO YENEYENEPO <i>Hanuke ha kona:</i>
4. kutjwathana mbudhi dhokutunda kumitara dhokukuthigha-thigha nothitambo thenethenepo	• kurughanitha ghufughuri noruñandweya kuthirughana thopakanwa • kuturitha po dighano koyi hana yuvu • kuturitha po maghoyero no kunongonona nungathano dhodighano dyomuthirughana ethi hana yuvu • kuyedhekeritha no kutjakitha thirughana • kutapa yitundamo kuthirughana thopakanwa • kuneghedha muhingo ghoyihima yoruhuthitho rwamughambi apa yina roghera • kuneghedha ghudimuki ghomakutjakero murughambithitho rokuroghera
5. kunongonona didhi dyothighamba ngambi thikuyonga no kukona-kona eyi hana yuvu	• kutorora mo madhimbudhi ghokuroghera • kunongonona rughambitho rwamughambi • kunongonona yihima, ghukaro nombudhi dhomuthithimwa • kunungakanya thitambo thamughambi no kutura po maghoyero • kuturitha po makamweneno koyi hana yuvu • kuyakunutha mbudhi dhomudyo nodhokupira mudyo moyi hana yuvu • kukumburura ko kumbudhi dhorwipurwipu, paTV noradiyo, tumbudhi, yithimwetwedha noghudimuki ghokukuyarekera. • kuturitha po ñumbu dhokuroghera ngambi dhokukona-kona
6. kuyareka mbudhi nomaghano	• kukunungathana thiwana muruvedhe rothikuvureka • kuturitha po thikuvureka thomudyo • kutapa ghukenitha mbudhi noghushemwa • kuwedherera maghano mumuhingo ghokurongathana thiwana • kutjwathana no kunungathanitha ñanani nomaghano • kuvuruka no kuthimwetwedha yihokoka yomuthitoya
7. kughamba thiwana ghurughanitha madivwero nomadhundekero ghomañando	• kurughanitha rughambitho norurembitho romañando muthighamba mu ka kenitha yitongora • kuneghedha ghukaro noyikuyuva pamarughanithero mwene ghomadhundekero nomadivwero ghoñando
8. kurughanitha ruñandweya muyihokoka yokukuthigha-thigha mu ka tota po mañando norughambithitho rokuroghera	• kurughanitha ruñandweya rorwingi • kutjwathanitha mañando noyighambaghana muthighamba • kurughanitha muhingo mwene ghokahongandimi • kutorora mañando mwene nomathaghano

5.1 KUGHAMBA NOKUTEGHERERA (shime)

YITAMBO YOPOPAHE	YITAMBO YENEYENEPO
<i>Hanuke hana:</i>	<i>Hanuke ha kona:</i>
9. kuhutha pakanwa dyodi ya roghera muyihokoka yokukuthigha-thigha	• kuneghedha makutjindjero ghomakuru pakurughanitha maghano ghothikuhonga thothipya • kuneghedha ghudimuki kwawateghereri • kwipura mepwero ghokuroghera mu ka kenitha eyi hana yuvu • kuhutha thiwana mudiñambwe ngambi yikuyonga • kuneghedha memaneno ghendi muthikuyonga • kukumitha mo ghufughuri ghokughamba kwawateghereri • kurughanitha thiwana kahongandimi noruñandweya • kutjwathana mbudhi, madhi ghomudyo noyitambo • kushimba mo mayandjwerero ghene-ghene nombudhi no kuyirughanitha dyodi ya roghera
10. kuyareka ghundondoro ghokughamba [pakanwa]	• kuneghedha yitwetha yokughamba dyodi ya roghera, yira: kuhutha mepwero kutwara edi ha nepura • kuhutha pakanwa kuyirughana yokukuthigha-thigha yira: yighamba, yitundamo, yokushingonona, rwipurwipu, diñambwe, matjingitho, membo, yighambaghana, mitanuro, yikamununa yomumambapira • kutenda/kughamba yighamba, yitundamo nomaneghedhero • kughamba yighamba yomarawero • kurongathana maghano ghomawa ghoyinyanyukitha ghokuhatera kuyighamba • kuneghedha dighano dyene-dyene • kutapa marawero • kutapa thighamba thishipiri kurongathana/kukuroghithera thokuthihonga • kuhutha noghundondoro kuyinyanyukithitha, yira: yiperende, yinu, mighuma • kurughanitha ghupurupuru norukunyungitho yirama dyodi ya roghera • kutjwathana no kurughanitha ruthimwetwedhitho ropanganyi noropathitjo • kuturitha po yipepa noyokurukera

5.1 KUGHAMBA NOKUTEGHERERA (shime)

YITAMBO YOPOPAHE	YITAMBO YENEYENEPO
<i>Hanuke hana:</i>	<i>Hanuke ha kona:</i>
11. kurughanitha ndimi mukushwaghitha yikaritha yawo hathinda	• kuneghedha matambwero ngambi makandwero ghoyikuyuva endi yighayara yawo • kukananitha pamuhingo mwene • kuneghedha memaneno ngambi matokwero ghodighano dyoye • kuneghedha no kuhungeka matamanyi • kunegha makutureromo noyirumbera mukuhongaghura
12. kushutura po yinu mukukuyonga no kukukanana ghu rughanitha ghundondoro ghomakuyuvero	• kuneghedha no kughamwena thiwana memaneno ghendi thinda • kutambura no kutawedhera memaneno ghawamweya • kurwitha memaneno no kuturitha po maghano ghamweya ghokuroghera • kughoya ñanani no kuturitha po makuyuvero nomakuwero pofotji • kuturitha po mashutwero ghokurongathana thiwana kumaghukukutu • kuturitha po thiwana memaneno ghawamwe mu kuneghedha matjwathaneno • kushana mashutwero ghomaghukukutu ghoshemwa noghokughanekera • kuneghedha matawedhero ghomakupirwero ghodighano
13. kurughanitha thiwana kahongandimi pakanwa	• kurughanaitha thiwana mañandohangera • kurughanitha yininga yomuthofotji nomuyoyingi nomañandorughana ghokuroghera • kurughanitha thiwana manako ghomañandorughana • kurughanitha thiwana yinungitho yokuneghadyango • kurughanitha thiwana mañandoshingononi nomañandotongora mughuhunga • kurughanitha thiwana mañandonunga muyighamba yoyifupi noyoyire • kurughanitha thiwana mamineno, mahukurukero nomashaghekithero dyodi ya roghera muyighamba • kurughanitha thiwana marongekero ghokahongandimi • kurughanitha thiwana mathaghano nomataghadhi nondimi dhomashendende

5.2

KUTOYA NOKUTJANGA

Maghundondoro ghomahe kughapakerera mumapepa ghomahe pakuhonga. Mbadi wa kutaghura B (Yitoya noYitjangatambithera) noC (Yitjangathimwetwedha) pakuhonga. Maghundondoro ghomahe agha ghana pu kutarangedha muA nagho kughapakerera no kugarughanitha.

YITAMBO YOPOPAHE	YITAMBO YENEYENEPO
<i>Hanuke hana:</i>	<i>Hanuke ha kona:</i>
A: Yopopahe 1. kutoya no kurughanitha marawero mughuhunga	• kuhutha marawero ghopatjangwa thiwana • kutjwathana no kutapa mapathwerero mukuhutha mañando ghano: - kunongonona - kuthothonona - kutarangedha - toye/tape ko - kutjwathanitha - kushingonona - kutjangurura - kuneghedha - kutokora/kunongonona - kutenda - kutjakitha (kurimbekitha) - kukengurura - kupedhura/kushana-shana - kukamununa - kuyedhekeritha - kukuyonga
2. kuneghedha ghudimuki mukunongonona mbudhi dhomudyo muyitjanga yokukuthigha-thigha	• kunongonona mbudhi dhomuthitoya thothihe • kupathurura mbudhi dhongandji muthitoya • kukamununa, kutjwathanitha no kukona-kona mbudhi muthitoya • kuyedhekeritha no kutjakitha mu kurughanitha thitoya thimwe ngambi mutara ghothitoya • kuneghedha eshi kukona kutjwathana ndjimandjima nomakwatithithoko no kunongonona maghoyero/uthinganyeka yitundamo/kutanaritha dighano dyongandji • kunongonona yikaritha yamutjangi yothona • kunongonona yighanekera, mathaghano nomatadhi nondimi dhomashendende

5.2 KUTOYA NOKUTJANGA (shime)

YITAMBO YOPOPAHE	YITAMBO YENEYENEPO
<i>Hanuke hana:</i>	<i>Hanuke ha kona:</i>
3. kuneghedha ghudimuki mukunongonona mbudhi dhomudyo muyitjanga yokukutjaka-tjaka(shime)	• kuneghedha ghudimuki ghokushimba mo mapathwerero ghene-ghene muthitoya, yira: - yimbapira yomadimukithero - yitundamo - thitjangwa (thomukorambudhi, magazini, noyimweya) - makamweneno (mambapira, yirora noyimweya) - yithimwa
4. kutoya no kurughanitha marudhi ghorutoyithitho rokukuthigha-thigha	• kutoya yitjanga yokukuthigha-thigha mukuwana matjwathaneno ghopopahe • kufukunya muthitoya mukuwana mo mapathwerero ghene-ghene • kutoya yoyingi mukushana matjwathaneno • kurughanitha thiwana mambapira ghomaneghedhero/ ghushupi, yira: - mbapira dhoruñandweya - insayiklopediya - intaneti
5. kutoya yoyingi mukuwana dighano, matambwero noyinyanyukera	• kutoya no kutjwathana yitjanga yokukuthigha-thigha yira: yomuthithimwetwedhatjanga, yitundamo noyighamba/yopaveta • kutapa yitundamo yoyitoya yawo mukuneghedha matjwathaneno ghawo
6. kuyandhurukera kuyitoya yokukuthigha-thigha	• kuneghedha eshi hana tjwathana edi ya kuranda no kutapa ndhika, maghano noyighayara yawo • kutoya mukuwana mapathwerero ghene-ghene noghudimuki ghokukukarera • kutoya, kutjwathana no kunyanyukera yitoya yokukutjaka-tjaka yokutunda kuyithimwatjanga, mitanuro, yipepa noyimweya kenge yo • kunongonona no kuyakunutha makutjakero nomakuwero ghopathitjo
7. kutoya ghukengurura mambapira ghokukuthigha-thigha	• kunongonona ghushemwa, mathimwethimwe nodighano dyoyikuyuva • kunongonona yihima yamutjangi, mandorwera nomahongawero muthitoya • kuturitha po maghoyero muthitoya • kushingonona muhingo ghomarughanithero ndimi dhamutjangi mu ka kumitha mo thitambo thendi kwawatoyi • kunongonona makuwero nomakutjakero ghoyitoya yiwadi • kukengurura thitoya no kutapa ñanani no kurongathana thiwana dighano dyendi • kutenda dighano dyendi noyikaritha thika di ghana nongonona

YITAMBO YOPOPAHE <i>Hanuke hana:</i>	YITAMBO YENEYENEPO <i>Hanuke ha kona:</i>
8. kukuhonga kuturitha po ghundondoro ghomakamweneno	• kufukunya no kushimba mo mapathwerero ghene-ghene no kuyiyareka dyodi ya roghera • kukonakona mapathwerero no kurughanitha mo agha ghana roghera kuthitambo • kuturitha po maghano, Kukona-kona, kuyedhekeritha, kuyandjurura no kukamununa yi tunde muyinu yopatjangwa
9. kuturitha po maghano no kurongathana yighamba yo kuyara mumiyirateta nopopahe	• kurughanitha yighamba yokuyara mumiyirateta no kushingonona ngambi kutjwathanitha mbudhi • kurughanitha mwingeneno, yikaramo nomaghoyero • kununga no kutwara dighano kughutho • kutenda diwiwi/marongathano ghodighano, kutjanga yitjanga yokukwateramo no kuyikengurura kughutho gho ka tjanga thoghuhunga • kutjanga pakurughanitha muhingo mwene dyodi ya roghera kutwara mwawateghereri/hatoyi
10. kutjwathana no kutapa makutjakero mumarughanithero ghondimi dhopakana nodhopatjangwa	• kurughanitha muhingo mwene ghoyitjangwa dyodi ya roghera, yira: mbapira dhopathinaghundambo, pathinaveta nodiñambwe • kurughanitha thiwana yighamba yomashendende, yomadhira, muyitjanga dyodi ya roghera no kurughanitha yiyuvitha • kurughanitha thiwana ghufughuri ghondimi, yira muyighambatunumeka, murwipurwipu, diñambwe, yitundamo noyimweya yokuroghera po • kurughanitha marongathaneno mwene ghothitjangwa dyodi ya roghera mu ka neghedha matjwathaneno • kurughanitha marawero mwene mukutjanga katjangwa kehe kano pathinamuragho ngambi pathinaghundambo • kuneghedha manongweneno ghondimi dhodishamu, dhoghutjotji, dhomwingenena, dhokuromba noyimweya yokuthighara ko • kudhemenena pamayeywero, madivwero nomadhundekero ghomughuma

5.2 KUTOYA NOKUTJANGA (shime)

YITAMBO YOPOPAHE	YITAMBO YENEYENEPO
<i>Hanuke hana:</i>	<i>Hanuke ha kona:</i>
11. kuneghedha ghudimuki mukutjanga yokuhatera kughushemwa, yikuyuva, nodighano dyendi	• kudhemenena kumapathwerero ghothihonga agha ghana kunegha eyi sho gha tjange • kutapa mbudhi dhoghushemwa • kuneghedha yighayara noyikuyuva ghukurughanitha muhingo ghorughambitho rokuroghera • kughamwena dighano noyikuyuva no kurongathana thiwana yi kumenene mo, yira kutjanga thighamba noyikuyonga yomungondahongero • kurughanitha ghundondoro ghomayandjwerero nomapathwerero mukuhutha ko patjangwa
B: Kahongandimi noRuñandweya 12. kuneghedha manongwahu ghomashashero, yitoyadimukitha norutjangithitho roghuhunga	• kurughanitha yitoyadimukitha thiwana, yira: - kathara - kemaneno - yidimukitho yomatemweneno - thipuritho - katondothara - yikurutjanga • kurughanitha yitoyadimukitha yokuyeyuka ko mughuhunga mu kukenitha yitongora yoyitjanga: - tutharawadi - katharakemaneno - mitakatji - tuhaki - thihendekitho - tundjotorandathana/tuthararandathana • kuneghedha matjwathaneno no kurughanitha muragho ghomashashero • kurughanitha mughuma ghondimi mughuhunga, yira: - matetawero ghoñando - yighuka, yighukañwato - mughuma - rughambitho mughuhunga

5.2 KUTOYA NOKUTJANGA (shime)

YITAMBO YOPOPAHE	YITAMBO YENEYENEPO
<i>Hanuke hana:</i>	<i>Hanuke ha kona:</i>
13. kurughanitha marongathaneno ghokahongandimi pakutjanga	• kuyakunutha makutjakero ghomañandodina • kurughanitha mañandohangera mughuhunga • kurughanitha marudhiñando muthofotji nomuyoyingi pofotji nomañandorughana ghokuroghera • kurughanitha mañandorughana munako dhokuroghera • kurughanitha yinungitho-neghadyango mughuhunga • kurughanitha no kutura mañandoshingononi nomañandotongora mughuhunga • kurongeka yighamba yoyiredhu patjangwa • kurughanitha tughambaghana mughuhunga • kurughanitha yighamba yoyire nokahongandimi mwene, yi repe no yi toware • kurughanitha miragho dhoyinungitho • kurughanitha mañandoghamwena ghomañandorugh • kurughanitha mañandopitura mumighuma, yira: ngóma-ngòma • kurughanitha mashaghekithero, (thit: “Yira wa kukukwata padiywi..., kadhimañando...”) • kurughanitha yighambatunumeka noyishitunumeka
14. kurughanitha marongathano ghokahongandimi pakutjanga	• kurughanitha thighambakasha nothighambatanara • kurughanitha mayedhekeritho ghopamanaro • kurughanitha thighamba thokuhatera kuthininga • kurughanitha mathaghano nomatadhi
15. kurughanitha ruñandweya momu rwa roghera muyighamba no muyihokoka yo kukuthigha-thigha	• kurughanitha ruñandweya ronunu rushireta matamangero • kurughanitha ruñandweya pamundinda, mumbunga nomumakuhongo • kurughanitha ruñandweya rokuroghera mukuneghedha ghukaro wene-wene • kurughanitha ruñandweya rorwingi no rokukuthigha-thigha mukushingonona, kutjwathanitha no kukukananitha • kurughanitha ruñandweya ro kuroghera muthirughana • kudimuka ruñandweya rongandji muyirughgana yira makuhongo, tekinologi, yipepa mumbunga noyimweya kenge yo • kurughanitha sinonime, antonime nohomonime

5.2 KUTOYA NOKUTJANGA (shime)

YITAMBO YOPOPAHE	YITAMBO YENEYENEPO
<i>Hanuke hana:</i>	<i>Hanuke ha kona:</i>
16. kunongonona makuwero/makutjakero no kutapa ghushupi	• kunongonona makutjakero no makuwero pakatji koyitjangwa yiwadi • kutapa ghushupi/yitamenedhi yomakuwero nomakutjakero
C: Yitjangatambithera 17. kutjanga yitjanga yo kukuthigha-thigha	kutjanga: • mambapira • yitjanga yomukorambudhi ngambi magazini ghoshure • yitundamo • diñambwe/yikuvureka • yighamba • mbapira dhoyihokoka yokehediyuwa
D: Yithimwatongora <i>Thitjo nomukunda</i> 18. kuwana ghudimuki nomatjwathaneno ghoyithimwetwedha yokukutjaka-tjaka noyirugghanitha yothitjo:	• kufukunya mapathwerero, kughongawedha, kuyakunutha, kukengurura no kuyareka ghushupi ghomashwaghithero ghoyothitjo yira: - mitanuro dhokutanaghura - membo - yikina - yirika (yothidhira) - ghuparo, noyimweya kengeyo. • kuyareka mapathwerero noñumbu mwene kumashwaghithero ghoyinu yothitjo • kutota po ñumbu dhendi kumapathwerero agha ghana ghongawedha kumahuthero ghoyothitjo

5.2 KUTOYA NOKUTJANGA (shime)

YITAMBO YOPOPAHE	YITAMBO YENEYENEPO
<i>Hanuke hana:</i>	<i>Hanuke ha kona:</i>
E: Yitjanga <i>Kuhutha ghudheghetera kuyitjanga</i> 19. kuhutha ghudheghetera ku-: - yithimwetwedhatjanga - yitjanga yoñanani/mahongaghudhi	• kukumburura ko kuthitambo, yitongora yopawiru nondhika dhothitjanga - kunongonona ghukaro wamutjangi, diywi mumarughanithero ghano yira: marongathaneno ghothighamba, mandorwera ghomañando, yitoyadimukitho, ndimi dhoghundambo nodhofumwa - kunongonona memaneno ghamutjangi - kunongonona awa yina tamba (hateghereri) • kuneghedha mughuhunga matambwero ghoyikuyuva, ghukaro no/ngambi ñanani - mahungekero ghothitjanga - mondekero ghoyikuyuva mumañando - manongweneno ghoghufwiki • kuyareka ñumbu mwene ghudheghetera weghere ghomañando ghawo - mathighukero kughushupi nomarughanithero ghoyidimukitho yomatemweneno - kutjwathana hapepi, ghushere (ghundambo), yihokoka nomadhi - kushana yiwedherera (mudyo) ghoyitjanga kuyikudhekera yamunu
F: Yitjangathimwetwedha 20. kutjanga yitjangathimwimwetwedha yokukuthigha-thigha	• kuturitha po yitjanga yendi thinda ghuneghedha marughanithero ghoruñandweya nokahongandimi • kutapa yighayara no kutenda memaneno ghoyikuyuva yendi • kuyedhekera no kuneghedha yihokoka, dyango nohapepi mumuhingo mwene • kukuyarekera ghudimuki, yighayara, yikuyuva nomaghano • kuvuruka no kutorora yihokoka nomashingweneno • tjange: - thithimwetwedha vene - thithimwetwedha thokushingonona - thithimwetwedha thoñanani

6. YIKONAKONA

6.1 YITAMBO YOYIKONAKONA

Maghundondoro ghondimi kughahonga mumuhingo ghokuvunga-vunga thika edi twa honganga ndimi mu kehe diyuwa. Podigho eshi kuhonga kondimi ne mbadi wa kukuyakunutha mumithinga dho kukukarera. *Yitambo yoKutegherera noKughamba* ha yi tura pofotji.

6.1.1 YY1 KUTEGHERERA NOKUGHAMBA

Hanuke ha kona:

- KK1 kutjwathana, kurongeka no kuyareka ghushemwa nomaghano noyikuyuva;
- KK2 kuhutha mughuhunga kumarawero nomaghorwero ghopakana;
- KK3 kughongawedha no kukengurura mapathwerero, no kutorora ghu rongeka yomudyo kuyitambo yokuroghera yira mayarekero;
- KK4 kuyareka yikumonena no kuneghedha yikuyuva, yighayara noyithinganyeka;
- KK5 kuneghedha yitongora yonunu noyikuyuva;
- KK6 kuyareka thiwana, ghuroghera nomughuhunga;
- KK7 kukutha ñanani dhopakana, kughoya no kughongora.

6.1.2 YY2 KUTOYA

Hanuke ha kona:

- Kut1 kutjwathana no kughongawedha mapathwerero noyitongora nonunu;
- Kut2 kuwana, kukengurura no kutorora mapathwerero ghoghuhunga mu kugharughanitha kuyitambo yongandji;
- Kut3 kutjwathana yitongora yokunda/thona noghukaro, no kughoya mapathwerero.
- Kut4 kunongonona edi ha rughanithanga ndimi hatjangi mu kukumitha mo yitambo yongandji ghurughughanitha ndimi dhomashendende.

6.1.3 YY3 KUTJANGA

Hanuke ha kona:

- Kutj1 kurongathana no kuyareka ghushemwa, maghano noyighayara;
- Kutj2 kuhutha mughuhunga kumapathwerero, maghano noyikaritha eyi yina kushwagha mukatjangwa;
- Kutj3 kuneghedha yikumonena no kuyareka yighayara, yikuyuva noyighanekera;
- Kutj4 kukunungathanitha thiwana ghuhungeka hateghereri;
- Kutj5 kurongathana no kuyareka mapathwerero mumihingo dhongandji mumiyirateta nomumarongathaneno ghoyighamba yokukuthigha-thigha;
- Kutj6 kurughanitha mughuhunga mashashero, yitoyadimukitho nomihingo dhodhihe dhokahongandimi, ruñandweya norutjangithitho;
- Kutj7 kutotitha po yitjanga yokukuthigha-thigha kuyitambo yongandji.

6.1.4 YY4 YITJANGA

Kuhutha ghudheghetera kuyitjanga

Hanuke ha kona:

- Yit1 kutapa ñumbu kuthitambo, yitongora yonunu noyikaramo
yoyidhungi yothitjangwa;
Yit2 kuneghedha matambwero ghokushwaghitha thiwana
yikuyuva, ghukaro no/ngambi ñanani;
Yit3 kuyareka ñumbu mwene ghuthotera awa yina kundama.

6.1.5 YY5 YITHIMWATONGORA

Thitjo nomukunda – Yikonakona Yopashure

Hanuke ha kona:

- Yith1 kufukunya, kughongawedha, kuyakunutha, kukengurura no
kuyareka mapathwerero ghoyothitjo;
Yith2 kutapa ñumbu dhoghuhunga patjangwa kuyinu yokukuthigha-
thigha yothitjo;
Yith3 kuturitha po ñumbu dhendi ghuneghedha yinu yothitjo
kumapathwerero agha ghana ghongawedha.

6.2 GHUSHERE PAKATJI KOYITAMBO YOYIKONAKONA NOMAPEPA

Mapepa	Yitambo yoYikonakona									
	YY01 KUGHA- MBA NOKUTE- GHERERA	YY02 Kutoya	YY03 Kutjanga	YY04 Yitjanga	YY05 Yithimwatongora		Thiviha			
Mapenda	Mapenda	Mapenda	Mapenda	Mapenda	Mapenda ghoghupu- muru	Thivi- hitho	Ngoyo	% Dipepa		
Dipepa 1 Yitoya noyitjangatambithera		45	10			55	1.455	80	40	
Dipepa2 Yitjangathi- mwetwedha			40			40	1	40	20	
Dipepa3 Kuhutha ghudheghetera kuyitjanga				20		20	1.5	30	15	
Dipepa: 4 Thirughanatumwa					20	20	1	20	10	
Dipepa 5: Makonakono ghopakanwa	30					30	1	30	15	
Makamweneno	30	45	50	40		165		200	100	
Thivihitho	1	1.455	1.5 (10) + 1 (40)	1.5 (20)	1(20)					
Ngoyoviha	30	65	15+40=55	20	30					200
% ghoYitambo yoYikonakona	15	32.5	27.5	10	15					100

6.3 MASHINGWENENO GHOMAPEPA

Dipepa	Rudhi roMepwero	Mapenda	Ruvedhe
Dipepa 1 Yitoya noYitjangatambithera	Ñanyi yi karange yitoyamingwa yiwadi yonunderero dhoshemwa. Eyi yitoyamingwa mbadi ya nyanda kukupitura. Ghure ghomañando ghokehe thitoyamingwa ne kughuthinganyekera kudipepa nodihenda ngambi ghure ghomañando 800 mukehe thitoyamingwa. Amo mbo ha nepura mo mepwero mahatu. Mutara A <u>Dipwero 1</u> Kutoya ghutjwathana (ghu dhemenena thitoyamingwa 1) Oghu mutara wa kara nomwepero ghokutoya ghutjwathana no wa kona-kona yitambo yoyikonakona yino: YY2 KUTOYA <i>Hanuke ha kona:</i> Kut1 kutjwatha no kughongawedha mapathwerero noyitongora yonunu; Kut3 kutjwathana yitongora yokunda/thona noghukaro, no kughoya mapathwerero. Kut4 kunongonona edi ha rughanithanga ndimi hatjangi mu kukumitha mo yitambo yongandji ghurughanitha ndimi dhomashendende. Thivarero thothikuru thomapenda ghoyitambo yoyikonakona Kut3 noKut4 ne 2 ngambi 3 ngenyu. Agha mepwero ghokuyandhurukera mbo ghana pitakananga pakunovaghura ngenyu (ngambi kutemununa) muthitoyamingwa. <u>Dipwero 2</u> Yikoreka-nunga dihuthero, makamweneno (ghudhemenena thitoyamingwa 1) Edi dipwero mbo dina kona-kona ghundondoro wamwanuke ghokukamununa mapathwerero ghongandji ghomuthitoyamingwa. Dipwero mbo hana di taghura. (a) Hahaterimo mbo hana tjanga yikaramo yawo mumuhingo ghokundjomadheka mu kuwane mapenda 15. (b) Munyima, hahaterimo mbo hana rughanitha	[15] [20]	

Dipepa	Rudhi roMepwero	Mapenda	Ruvedhe
	ghushupi mu (a) mu kutjanga makamweneno ghokuthimwetwedha kukutha mapenda 5. Ghure ghomakamweneno ne kughuthinganyekera kumañando 100 – 150. Dipwero mbo dina kona-kona yitambo yoyikonakona yino: Dipwero 2 (a) YY2 KUTOYA <i>Hanuke ha kona:</i> Kut1 kutjwathana no kughongawedha mapathwerero noyitongora nonunu; Kut2 kuwana, kukengurura no kutorora mapathwerero ghoghuhunga mu kugarughanitha kuyitambo yongandji. Dipwero 2 (b) YY3 KUTJANGA <i>Hanuke ha kona:</i> Kutj1 kurongathana no kuyareka ghushemwa, maghano noyighayara; Kutj3 kuneghedha yikumonena no kuyareka yighayara, yikuyuva noyighanekera; Kutj5 kurongathana no kuyareka mapathwerero mumihingo dhongandji mumiyirateta nomumarongatheneno ghoyighamba yokukuthigha-thigha; Kutj6 kurughanitha mughuhunga mashashero, yitoyadimukitho nomihingo dhodhihe dhokahongandimi, ruñandweya norutjangithitho. Mone Thirameka A thokukorekitha makamweneno. Mutara B <u>Dipwero 3 Yihutha</u> yoYitjangatambithera yoThitoyamingwa 2 Hanuke ha kona kutjanga mañando ghokukuma ku250 – 300 mu kukumburura ko kuthitoyamingwa 2. Ethi ne thirughana	[20]	

Dipepa	Rudhi roMepwero	Mapenda	Ruvedhe
	thothitjangatambithera yira mbapira, katjangwa komukorambudhi ngambi magazine, yitundamo, thighamba, ngambi yihokoka yokehediyuwa. Hahaterimo kuna kuwataterera ha rughanithe maghano ghomuthitoyamingwa, no kugharundurura. Mapenda 15 mbo hana gha tapa kuyitoya no 5 ne kuyitjanga. Dipwero mbo dina kona-kona yitambo yoyikonakona yino: YY2 KUTOYA <i>Hanuke ha kona:</i> Kut1 kutjwatha no kughongawedha mapathwerero noyitongora yonunu; Kut2 kuwana, kukengurura no kutorora mapathwerero ghoghuhunga mu kugarughanitha kuyitambo yongandji; Kut3 kutjwathana yitongora yokunda/thona noghukaro, no kughoya mapathwerero. Kut4 kunongonona edi ha rughanithanga ndimi hatjangi mu kukumitha mo yitambo yongandji ghurughughanitha ndimi dhomashendende. YY3 KUTJANGA <i>Hanuke ha kona:</i> Kutj1 kurongathana no kuyareka ghushemwa, maghano noyighayara; Kutj2 kuhutha mughuhunga kumapathwerero, maghano noyikaritha eyi yina kushwagha muthitjanga; Kutj3 kuneghedha yikumonena no kuyareka yighayara, yikuyuva noyighanekera; Kutj4 kukunungathanitha thiwana ghu hungeka hateghereri; Kutj5 kurongathana no kuyareka mapathwerero mumihingo dhongandji mumiyirateta nomumarongatheneno ghoyighamba yo kukuthigha-thigha; Kutj6 kurughanitha mughuhunga		

Dipepa	Rudhi roMepwero	Mapenda	Ruvedhe
	mashashero, yitoyadimukitho nomihingo dhodhihe dhokahongandimi, ruñandweya norutjangithitho; Kutj7 kutotitha po yitjanga yo kukuthigha-thigha kuyitambo yongandji. Mone Thikorekitho B thothirughana thothitjangatambithera	Ngoyo: 55	Maviri 2
Dipepa 2 Yitjangathimwetwedha	Dipepa di ñanyi dya kukona-kone ghudimuki wawanuke ghoyitjangathimwetwedha. Yiparatjangwa kwoko-nothofotji yokuhatera kukuthimwetwedha vene, kushingonona ngambi ñanani mbo hana yipura mumuhingo mwene. Hanuke ha kona kutorora po thiparatjangwa thofotji no kutjanga mañando ghokuthinganyekera ku 350 - 500. Dipwero mbo dina kona-konanga yitambo yoyikonakona yino: YY3 KUTJANGA <i>Hanuke ha kona:</i> Kutj1 kurongathana no kuyareka ghushemwa, maghano noyighayara; Kutj2 kuhutha mughuhunga kumapathwerero, maghano noyikaritha eyi yina kushwagha muthitjanga; Kutj3 kuneghedha yikumonena no kuyareka yighayara, yikuyuva noyighanekera; Kutj4 kukunungathanitha thiwana ghu huneka hateghereri; Kutj5 kurongathana no kuyareka mapathwerero mumihingo dhongandji mumiyirateta nomumarongathaneno ghoyighamba yo kukuthigha- thigha; Kutj6 kurughanitha mughuhunga mashashero, yitoyadimukitho nomihingo dhodhihe dhokahongandimi, ruñandweya norutjangithitho; Kutj7 kutotitha po yitjanga yo kukuthigha-thigha kuyitambo yongandji. Mone Thikorekitho C thoYitjangathimwetwedha	Ngoyo: 40	Viri 1 nominute 30

Dipepa	Rudhi roMepwero	Mapenda	Ruvedhe
Dipepa 3 Kuhutha ghudheghetera kuthitjanga	Ñanyi pakakare ko thitoya thishimono nothishidimuka nodipwero dyofotji nomaneghedhero ghadyo. Thitoya kukona kukara eshi kuna thi shimbi muthithimwatjanga (mitanuro, yithimwa noyipepa) ethi ha toroka mundimi dhimwe endi katjangwa koñanani kokuhatera kuyinu yothitjo omu mu di ndimi dhomathaghano nomatadhi/madhira. Dipwero mbo dina kona-kona yitambo yoyikonakona yino: YY4 YITJANGA Kuhutha ghudheghetera kuyitjanga <i>Hanuke ha kona:</i> Yit1 kutapa ñumbu kuthitambo, yitongora yonunu noyikaramo yoyidhungi yothitjanga; Yit2 kuneghedha matambwero ghokushwaghitha thiwana yikuyuva, ghukaro no/ngambi ñanani; Yit3 kuyareka ñumbu mwene ghuthotera awa yina kundama Mone Thikorekitho D thokurughanitha kuyithimwa ngambi thirughana thokuhutha ghudheghetera.	Ngoyo: 20	Viri 1 nominute 20
Dipepa 4 Thitjo nomukunda (Yitjangatumwa)	Yikaramo yomutara ghu ñanyi yi ka dhemenenange kumundinda ghoyothitjo noyifukunya yoñumbu dhokudheghetera, kukutha thitjo ethi ghana torora thinda muhaterimo. Yitundamo yoyifukunya kuyitjanga muThimbukushu. Yitamenedhi yoyiparatjangwa yokuroghera mbo yina karanga mudighanohongithitho dyondimi. Hanuke hana wa taterera mu kughongawedha mapathwerero kununderero dhokukutjaka-tjaka no kughagharava thika edi hana ka gha ghongawedha. Muiyareka noyikuyonga, yawo, hahaterimo ha kona kutapa ñumbu dhawo mumuhingo mwene kukutha mapathwerero agha hana ka ghongawedha. Podigho eshi ha kona kuthotera kuyitambo yoyikonakona. Eyi ne yiturithapo yoyiparatjangwa		

Dipepa	Rudhi roMepwero	Mapenda	Ruvedhe
	yongandji eyi ha roghera kufukunya muyitjangatumwa yawo: • Ghupingwa, nunderero, yithimwetwedha, nunderero dhodiko, mako pathitjo • Muhingo mwene ghorurumeritho • Rushupatitho • Ghukaro nomi mwene mumukunda • Yidya, pofotji noyirika yokuyipokora • Membo, makughero norukinitho • Yirika kutunderera kumushamurukero, pakukura/kukuteta kate kuyifa • Yirughana yopathitjo nongepi edi nga ha yi kutaperanga • Ghudimuki ghopathitjo nomayira mwene ghoghundjewandjewa • Ghunyambi, yidhirerekedha nomatawero • Ghushwi nomaghunguvwero wene • Ghundambo nowanumaghana (hatundakure, hatjwayuki, hakamara...) Ghure ghoyitjangatumwa kughuthinganyekera kumañando 700 - 1000 kuthitjangathimwetwedha thomakuyongo ngambi yitundamo. Ghushupi ghokukwatitha ko wa kona kuneghedha makurando ghohanu awa hana tapa mapathwerero, datumu (mayuwa) nomango oku ha wepawerire, yiperende noyikwateramaywi pamuhingo ghorugharo yokudhira kupitakana minute dhikwoko (ngeshi kukona). Dipepa di ñanyi dya ka kona-kone yitambo yoyikonakona eyi yina ka randa ko: Dipepa mbo dina kona-kona yitambo yoyikonakona yino: YY5 YITHIMWATONGORA Thitjo nomukunda – Yikonakona Yopashure <i>Hanuke ha kona:</i>		

Dipepa	Rudhi roMepwero	Mapenda	Ruvedhe
	Yith1 kufukunya, kughongawedha, kuyakunutha, kukengurura no kuyareka mapathwerero ghoyothitjo; Yith2 kutapa ñumbu dhoghuhunga patjangwa kuyinu yokukuthigha-thigha yothitjo; Yith3 kuturitha po ñumbu dhendi ghuneghedha yinu yothitjo kumapathwerero agha ghana ghongawedha. (Mone Thikorekitho E: Maghorwero ghoDipepa dyoThirughana thopaShure 4 no 5)	Ngoyo: 20	Mbadiko
Dipepa 5 Makonakono ghoKughamba	Thiparatjangwa thoMakonakono ghoKughamba (KUGHAMBA NOKUTEGHERERA) mbo thina dhemenenanga paThitjangatumwa thamuhaterimo. Mumwingeneno, muhaterimo mbo ghana yarekanga mughufupi ndhika dhoyifukunya/thitjangatumwa thendi. Kutunda po, muhaterimo hana mu taterera mu kurundurura no kukwatitha ko yikaramo yothirughana muyikuyonga eyi ghana torora. Dipepa mbo dina kara nomitara dhiwadi: Mutara A: Yiyareka. Mapenda 10 Yiyareka mbadi ya kona kupitakana minute dhikwoko, dhiwadi dhoyighamba yamuhaterimo. Edhi dhihatu ne dhokupepa yikwatamaywi ngambi kuneghedha yirughanitha omu mbo gha tapa ko ñumbu dhendi. Muhaterimo: • kuyareka thitjangwatumwa (ngambi yitundamo) pakanwa • kuyareka mughufupi ndhama/ndhika dhothirughana thendi • kughamba shi shagheka – shimengwa mbadi ghana kumitha mo ruvedhe rwendi po sho gha mwipure mukonakoni gha tuyure didhi dyothirughana • gha kona kudimuka hateghereri no kurughanitha muhingo ghokuroghera noyirughanitha ndimi nomihingo		

Dipepa	Rudhi roMepwero	Mapenda	Ruvedhe
	ghorughambithitho mwene - mbadi ha mu tawedhera kukuroghithera no kurughanitha kehe thirughanitha ngambi makamweneno ghongandji muiyareka yendi Mukonakoni: - gha kona kundjomadheka madhi ghoyiyareka yamuhaterimo mu kugharughanitha muthikuvureka Mutara B: Thikuvureka (minute 8 – 10) Mapenda 20 Mukonakoni: - kwipura mepwero ghokukona-kona ghundondoro ghokutegherera wamuhaterimo, kutunditha ko ngenyu matjokedhero ghonungathano - kutjoka-tjoka memaneno/yighamba yongandji yamuhaterimo - kuthunda muhaterimo eshi gha wedherere thirughanatumwa thendi mu kuthinunga nomadhi ngambi yinu yimweya - gha kona kuyakunuka kuthitambo thokufitha honyi muhaterimo ene aye gha kona kushana ngenyu ghukenu ngambi kuturitha po dighano edi sho gha thotere muhaterimo Dipepa mbo dina kona-kona yitambo yoyikonakona yino: YY1 KUTEGHERERA NOKUGHAMBA <i>Hanuke ha kona:</i> KK1 kutjwathana, kurongeka no kuyareka ghushemwa nomaghano noyikuyuva; KK2 kuhutha mughuhunga kumarawero nomaghorwero ghopakana; KK3 kughongawedha no kukengurura mapathwerero, no kutorora ghu rongeka yomudyo kuyitambo yo kuroghera yira mayarekero; KK4 kuyareka yikumonena no		

Dipepa	Rudhi roMepwero	Mapenda	Ruvedhe
	kuneghedha yikuyuva, yighayara noyithinganyeka; KK5 kuneghedha yitongora yonunu noyikuyuva; KK6 kuyareka thiwana, ghuroghera nomughuhunga; KK7 kukutha ñanani dhopakana, kughoya no kughongora. (Mone Thikorekitho E: Maghorwero ghoDipepa dyoThirughana thopaShure 4 no 5)	Ngoyo: 30	Minute ±15

6.4 MASHINGWENENO

Yitambo yoYikonakona		Dipepa 1	Dipepa 2	Dipepa 3	Dipepa 4	Dipepa 5
YY1	KK1					✓
	KK2					✓
	KK3					✓
	KK4					✓
	KK5					✓
	KK6					✓
	KK7					✓
YY2	Kut1	✓				
	Kut2	✓				
	Kut3	✓				
	Kut4	✓				
YY3	Kutj1	✓	✓			
	Kutj2	✓	✓			
	Kutj3	✓	✓			
	Kutj4	✓	✓			
	Kutj5	✓	✓			
	Kutj6	✓	✓			
	Kutj7	✓	✓			
YY4	Yit1			✓		
	Yit2			✓		
	Yit3			✓		
YY5	Yith1				✓	
	Yith2				✓	
	Yith3				✓	

6.5 MASHINGWENENO NARO DHOYIWANAMO

Mashingweneno ghonaro dhoyiwanamo kwa dhi turitha po mu kutapa matjwathaneno ghoyitombora yonaro dhamwanuke. Mashingweneno gha kona kushwagha muYitambo yoYikuhonga noYikonakona yoYitambo eyi yi di muMutara 5 no 6 mudighanohongithitho di, ghuthotera eshi hanuke kuna kurughana ndimi dhokutanga dhoThimbukushu. Mashingweneno ghoyiwana mbadi gha tamba yitundamo yodipepa dyofotji dyomakonakono. Yitundamo yomakonakono kwa yi tapanga mukupakerera mapepa ghomahe mumakonakono. Ghukashu mumitara dhimweya dhomakonakono kukona kughudyadyangedha nomutombo mwene mumitara dhimwe dhomakonakono, nomashingweneno naro dhoyiwanamo ne dhondhira mwene.

Mwanuke gho**Naro dhoA** hana mu taterera:

1. kutjwathana madhi ghomakukutu, maghano, yighayara, no kuyirongeka ghuyiyareka mumuhingo mwene patjangwa nopakanwa;
2. kushana ndhika dhombudhi muyighamba ngambi muyitjanga no kutorora, kukamununa, kuyareka ghukengurura ghushupi no ghushana mo yomudyo noyokuroghera kuthitambo;
3. kuyareka no kukengurura yithimwa noghushupi ghongandji ghughuyakunutha thiwana kukutha yikuyuva noyighanekera;
4. kunongonona yitongora yonunu noghukaro wamutjangi ngambi mughambi no kughoya yitongora mumañando, tughambaghana, madhira nondimi;
5. kuneghedha matjwathaneno ghawateghereri nomatjwathaneno ghokuroghera kumarughanithero ghondimi;
6. kutjanga ghutotitha po miyirateta, ghurughanitha matotithero po ghoyighamba yoghuhunga, ghuneghedha mashashero mwene, yitoyadimukitho noyoyihe yokahongandimi;
7. kuhutha ghudheghetera kumapathwerero ghopakanwa ngambi patjangwa ghuyenderera noghukukurupera;
8. kuyareka ñumbu mwene dhokutunderera kukudheghetera nomakengwerero mwene ghoyitjangwa nomapathwerero agha ghana ghongawedha kumashwaghihero ghoyothitjo;
9. kuneghedha ghundondoro mwene ghokufukunya pakushana thiparatjangwa thoyifukunya, kuturitha po thitambo, kutorora mayira ghorufukunyitho, rughongawedhitho, mayakunuthero (makengwerero), yikuyonga nomayarekero mapathwerero.

Mwanuke gho**Naro dhoC** hana mu taterera:

1. kutjwathana madhi ghomakukutu, maghano, yighayara, no kuyirongeka ghuyiyareka mumuhingo ghohasha ko patjangwa nopakanwa;
2. kushana mbudhi muyighamba ngambi muyitjanga no kutorora, kukamununa, kuyareka yokuroghera kuthitambo;
3. kushingonona yithimwa noghushupi ghongandji kukutha yikuyuva noyighanekera;
4. kunongonona yitongora yonunu noghukaro wamutjangi ngambi mughambi no kuneghedha rughoyitho yitongora mumañando, tughambaghana, madhira nondimi;
5. kuneghedha matjwathaneno ghawateghereri nomatjwathaneno ghokuroghera kumarughanithero ghondimi;

6. kutjanga ghutotitha po miyirateta, ghurughanitha matotithero po ghoyighamba yoghuhunga, ghuneghedha mashashero mwene, yitoyadimukitho noyoyihe yokahongandimi norutjangithitho;
7. kuhutha nomakukurupero ghongandji kumapathwerero ghopakanwa ngambi patjangwa;
8. kuyareka ñumbu mwene dhokutunderera kuyitjangwa nomapathwerero ghomashwaghithero ghoyothitjo;
9. kuneghedha ghundondoro ghongandji ghokufukunya pakushana thiparatjangwa thoyifukunya, kuturitha po thitambo, kutorora mayira ghorufukunyitho, rughongawedhitho, mayakunuthero (makengwerero), yikuyonga nomayarekero mapathwerero.

Mwanuke gho**Naro dhoE** hana mu taterera:

1. kutjwathana madhi ghongandji, maghano, yighayara, no kuyirongeka ghuyiyareka mumuhingo ghongandji patjangwa nopakanwa;
2. kushana ndhika muyighamba ngambi muyitjanga no kukumbururura yongandji;
3. kushingonona yithimwa noghushupi ghongandji kukutha yikuyuva noyighanekera;
4. kunongonona yitongora yonunu noghukaro wamutjangi ngambi mughambi mughukandami ghomatjwathaneno;
5. kuneghedha matjwathaneno eshi ndimi kukona kudhirughanitha mumayira nomumihingo dhokukutja-tjaka;
6. kutjanga ghutotitha po yitjanga yoyiredhu – ghukashu ghomashashero, yitoyadimukitho muyighamba mbadi wa kuyongaritha mapathwerero;
7. kuhutha kumapathwerero ghopakanwa ngambi patjangwa nomakukurupero ghongandji – mbadi wa kutotitha po kehe yi;
8. kuyareka ñumbu dhokutunderera kuyitjangwa nomapathwerero ghomashwaghithero ghoyothitjo;
9. kuneghedha ghundondoro ghohasha vene ghokufukunya pakushana thiparatjangwa thoyifukunya, kuturitha po thitambo, kutorora mayira ghorufukunyitho, rughongawedhitho, mayakunuthero (makengwerero), yikuyonga nomayarekero mapathwerero.

Mwanuke gho**Naro dhoG** hana mu taterera:

1. kutjwathana madhi ghopamuve, maghano, yighayara, no kughuyiyareka mumuhingo ghokuyitjwathana patjangwa nopakanwa;
2. kushana ndhika muyighamba ngambi muyitjanga no kumvurura mo yongandji;
3. kushingonona yithimwa noghushupi ghongandji kukutha yikuyuva noyighanekera no kuyiyareka peghuru-peguru;
4. kunongonona yitongora yonunu yamutjangi ngambi mughambi mughukandami ghomatjwathaneno;
5. kuneghedha matjwathaneno ghongandji eshi ndimi kukona kudhirughanitha mumayira nomumihingo dhokukutja-tjaka;
6. kutjanga ghutotitha po yitjanga yoyiredhu – ghukashu ghomashashero, yitoyadimukitho muyighamba mbadi wa kuyongaritha mapathwerero;
7. kuhutha kumapathwerero ghopakanwa ngambi patjangwa– gha nyanda matjokedhero;

8. kuyareka ñumbu dhodhimbiru kuyitjangwa nomapathwerero ghomashwaghithero ghoyothitjo;
9. kuneghedha ghundondoro ghokufukunya ghopamuve no kukona yimukukutere pakushana thiparatjangwa thoyifukunya, kuturitha po thitambo, kutorora mayira ghorufukunyitho, rughongawedhitho, mayakunuthero (makengwerero), yikuyonga nomayarekero mapathwerero.

THIRAMEKA A: THIKOREKITHO MAKAMWENENO (DIPEPA 1)

Thirameka thi kuthiruganitha pakukoreka dipwero 2 (b) dyomapenda 5.

Muthinga	Mashingweneno/Marawero	Mapenda
1	Makamweneno ghana dhemenena pathitoyamingwa no kuna kuhutha dipwero. Ghushupi ghoghuheya oghu ghana ndjomadheka kuna kughuruganitha mughuhunga nomumañando ghendi thinda. Yighamba yoyikukutu noyighambavura, yinungitho noyirameka kuna kuyiruganitha mughuhunga mu kurikanyitha no kutjakitha yighamba.	5
2	Makamweneno ghana dhemenena ko vene, ene wingi mahukurukero. Ghushupi ghoghuheya oghu ghana ndjomadheka kuna kughuruganitha nopa nopaya mumañando ghendi thinda. Yighamba yoyikukutu noyighambavura pofotji noyinungitho kumoneka mu kuneghedha makuwero.	4
3	Kumoneka thitambo mumakamweneno ngambi eshi pamweya ne mbadi yina keni. Kuna kuruganitha mañando ghendi ngambi kenge eshi makamweneno ghana dengamena payindjomadheka. Ghushupi, maghano noyikuyuva mbadi yina rongama.	3
4	Thitambo, parumweya, kumoneka mumakamweneno, ene mandunda ghokuthothonona no kuwedherera yighamba. Wingi mutemunudhi ghomañando noyighamba yokundjondja muthitoyamingwa.	2
5	Makamweneno ghodidhongi gha shi wana thitambo. Mañando noyighamba yokunovora muthitoyamingwa.	1
6	Mbadiko thitambo no karo mbadi yina kutongora yinu. Muhaterimo kutemununa vene thitoyamingwa thothihe mumundinda watho.	0

THIRAMEKA B: THIKOREKITHO THIRUGHANA THOTHITJANGATAMBITHERA (DIPEPA 1)**Kutoya**

Thirameka thi kuthirughanitha pakukoreka mutara ghokutoya ghodipwero 3 dyomapenda 15.

Muthinga	Mashingweneno/Marawero	Mapenda
1	Ñumbu kuneghedha ghudhungi ghoghushupi oghu ghana wana muthitoyamingwa. Maghano ghomuthitoyamingwa ghana rundurura no kugharughanitha thiwana mudihuthero. Mapathwerero ghokuroghera ghana gha torora no kugharughanitha mu kukumitha mo thitambo.	13 – 15
2	Ñumbu kuneghedha ghushupi ghongandji ghothitoyamingwa. Maghano ghomuthitoyamingwa ghana gha rughanitha, ene mbadi ghana gha rundurura no kughakuritha. Ghushupi ghongandji kumoneka.	10 – 12
3	Ghushupi kumoneka eshi thitoyamingwa ghana thi toyo kamanana. Maghano ghamweya ghomuthitoyamingwa ghana gha thotera, ene mbadi ghana gha rundurura thikuma. Ghushupi ghongandji kumoneka nopa nopaya.	7 – 9
4	Thitoyamingwa kuna thi toyo pawiru-wiru. Ghana kondjo kuyereka kurughanitha maghano ghomuthitoyamingwa ngambi kenge eshi mbadi yina kukumitha mo ñumbu dhodipwero kukutha edi ghana kuyishwaghitha.	4 – 6
5	Thitoyamingwa ghana thi toyo nomatjwathaneneno ghomapu. Maghano ghomuthitoyamingwa mbadi ghana gha rundurura ngambi kughathotera. Mbadiko ghushupi ghokukunonga nothitoyamingwa ngambi dipwero. Wingi matjombwa ngambi mutemunudhi ghothitoyamingwa.	1 – 3
6	Ñumbu mbadi dhina kuneghedha ghushere pakatji kothitoyamingwa nodipwero. Wingi mutemunudhi ghothitoyamingwa.	0

Kutjanga

Thirameka thi kuthirughanitha pakukoreka mutara ghokutjanga ghodipwero 3 dyomapenda 5.

Muthinga	Mashingweneno/Marawero	Mapenda
1	Ndimi edhi ghana rughanitha ne dhihunga nodhoghufughuri. Maghano ghokuroghera, mahunga no kumoneka thiwana mudihuthero. Kukukunga thinda muyighamba yendi. Marongathaneno ghoghushemwa, maghano noyighayara pofotji rudhi rodihuthero ne mawa thikuma.	5
2	Kumoneka mo ruñandweya rongandji muyighamba. Ndimi ne dhokuyenderera nodhothitambo. Kudhemenena kurudhi rothirughana. Marongathaneno ghoghushemwa, maghano noyighayara pofotji norudhi rodihuthero ne mawa.	4
3	Ruñandweya nondimi dhokuroghera muyitjanga. Rudhi rothirughana kurumona ngambi eshi shwenge-shwenge. Ngambikemo eshi dihuthero ne dina hungama, makwirero shime kumonadheka.	3
4	Ruñandweya nondimi dhokuroghera ghana rughanitha thikuma, ene ghuredhu kuyitjwathana. Rudhi rothirughana kurumona. Wingi makwirero muñumbu norudhi rothirughana no kunovaghura thikuma mañando noyighamba muthitoyamingwa.	2
5	Muhingo mbadi ghuna rogherera kuthirughana nombadi ghuna keni. Yighamba mbadi yina rikanya. Ndimi mbadi dhina yendi pathitambo thothirughana. Rudhi rodidhongi nowingi makwirero	1
6	Ñumbu dhishikonekera, dha pira yitongora.	0

THIRAMEKA C: THIKOREKITHO YITJANGATHIMWETWEDHA (DIPEPA 2)

Ndimi noMuhingo

Muthinga	Mashingweneno/Marawero	Mapenda	Thitamenedhi muThimbukushu
1	Thendi thinda; thokughayarera; thina kumu mo; marughanithero ruñandweya mwene; marongathano mwene, miyirateta dhokuroghera; mathinganyekero ghomawa; makwirero ghomapu thikuma.	17 – 20	
2	Ndimi dhokurikanyenena; marughanithero ghomathaghano/matadhi ghoghuhunga; kutenda yimingwa mwene; ruñandweya mwene nomakwirero ghongandji.	13 -16	
3	Ghana yi tambithera; no kuyiranditha; mo ru di ruñandweya; kumoneka mo yimingwa; ghundondoro ghopeghuru-pegghuru nomakwirero kuna kumoneka kamanana.	9 – 12	
4	Mapumbwero ghoyighayara; ruñandweya ronopa nopaya; mbadi miyirateta mwene, makwirero ne mengi.	5 – 8	
5	Kukona kumutjwathana ngambi kenge eshi noghukukutu, yighamba yoyiredhu yina vuru nomakwirero ghomengi thikuma.	1 – 4	

Yikaramo noMuhingo

Muthinga	Mashingweneno/Marawero	Mapenda
1	Kunyanyukitha; yendi thinda; didhi dyothitambo, kuyenderera thiwana; kuyitambura; marongathaneno mwene; kukoka dighano dyokuthirughana.	17 – 20
2	Hasha ghana kumitha mo thitambo kuthirughana; ndorwera dhomagghano ghana pu kutambithera kuthirughana; ghana thotera marongathaneno.	13 -16
3	Yirughana yoyiwa, kuneghedha matjwathanithero mwene ghokuthirughana nokwawapepi; ghana rongathana.	9 – 12
4	Ghana yi rongathana noyikaramo yoyipu; ghushupi mbadi ghuna keni thiwana.	5 – 8
5	Ghukashu ghoyikaramo nomagghano; marongathaneno mbadi gha konekera; kuhukuruka magghano no kupira mayandjwerero.	1 – 4

THIRAMEKA D: THIKOREKITHO YIHUTHA YOKUDHEGHETERA (DIPEPA 3)

YY4 YITJANGA Kuhutha ghudheghetera kuyitjanga <i>Hanuke ha kona:</i> Yit1 kutapa ñumbu kuthitambo, yitongora yonunu noyikaramo yoyidhungi yothitjanga; Yit2 kuneghedha matambwero ghokushwaghitha thiwana yikuyuva, ghukaro no/ngambi ñanani; Yit3 kuyareka ñumbu mwene ghuthotera awa yina kundama.		
Muthigho	Mapenda	Mashingweneno/Marawero
1	17 – 20	Maghano, ndhika, yitambo yamutjangi, ghukaro, ndimi noyimweya kengeyo ghana yi kengurura; ghana ghombatera mumandhundhero ghomakengwerero ghothitoyamingwa; yina rogho, ghana torora thiwana ghushupi ghokutanaritha oghu ghana rughanitha.
2	13 – 16	Maghano, ndhika, yitambo yamutjangi, ghukaro, ndimi noyimweya kengeyo ghana yi yakunutha; ghana tapa makengwerero ghothitoyamingwa; yina rogho, ghana torora thiwana ghushupi ghokukwatitha ko oghu ghana rughanitha.
3	9 – 12	Maghano, ndhika, yitambo yamutjangi, ghukaro, ndimi noyimweya kengeyo ghana yi tjwathanitha; ghana tapa makengwerero ghendi ghothitoyamingwa; yina rogho, ghana torora thiwana ghushupi oghu ghana rughanitha.
4	5 – 8	Maghano, ndhika, yitambo yamutjangi, ghukaro, ndimi noyimweya kengeyo ghana kumburura ko; ghana tapa yikuyuva yendi yonunu nomakengwerero ghomapu ghothitoyamingwa; hashha ghana torora ghushupi, ene mbadi ghana turitha po makwatithitho mwene.
5	1 – 4	Maghano, ndhika, yitambo yamutjangi, ghukaro, ndimi noyimweya kengeyo ghana shingonona; ghana tapa yikuyuva yendi yoyipu ngenyu; hashha ghana rughanitha ghushupi ghoghupu.
6	0	Yinu yokupira kutambwera ndjambi.

THITJO NOMUKUNDA: THITJANGATUMWA

MAYENDITHITHO

Marongathanenoruvdhe

Thirughanatumwa (yikonakona yopashure) kuthimana kughuhura ghothinema thoghuwadi.

Yifukunya

Hahaterimo mbo hana tororanga thirughanitha thothitjo, thit.: thinu, dimbo, yikina, thishwi/thishupo, mbongo, dyango, ghudimuki nomaghano, yirughana yawatjangi noyimweya kengeyo, mumaghorwero ghamuhongi. Muhaterimo mbo ghana ghongawedhanga ghushupi kuthirughanitha thothitjo otho ghana torora kukutha mepwero ngambi yitambo eyi ghana turitha po. Muhaterimo mbo ghana yakunutha mapathwerero agha mbo gha ghongawedhanga no kutjanga ko thithimwetwedha (ngambi yitundamo) yokuthinganyekera kumañando 700 – 1000 kutunditha ko ghushupi ghoñambi yira mafano, yitundamo yorwipurwipu, hashupi/ghushupi noyimweya kengeyo. Mone thitamenedhi thothirughanatumwa ethi kwishi:

MARONGATHANENO GHOTHIRUGHANATUMWA			
Dina dyoShure:		Nomora dhoShure:	
Dina dyaMuhaterimo:		Nomora dhaMuhaterimo (<i>ngeshi ko dhi di</i>):	
Dighanohongithitho:		Nomora dhoDighanohongithitho:	
Dipepa:		Nomora dhoDipepa:	
Makonakono gha-:	Katutu/Murongana 20.....		
Thiparatjangwa thoyifukunya:			
Ndhika/thitambo:			
Mihingo dhokughongawedhitha no kuyakunutha mapathwerero:			

MARONGATHANENO GHOTHIRUGHANATUMWA
.....
Makurando ghoshushupi (<i>Eyi kukona kukara mango agha ghuna dhingura, yirika, rwipurwipu, noyiweya kengeyo</i>):
Manyateritho ghaMuhaterimo: Mayuwa:
Manyateritho ghaMuhongi: Mayuwa:

Thifikambapira

Thirughanatumwa (yikonakona yopashure) tha kona kukara nodina dyamuhaterimo, mayuwa agha ha nyaterithire marongathaneno, mayuwa agha ha manine thirughana, thiparatjangwa, medhero ghamuhongi eshi thirughana ne thamuhaterimo thinda mumundinda wendi noñumbu dhodhifupi dhokutanaritha dipenda dyothirughana. Yi di mudyoy eshi ñumbu dhamuhongi dha kona kudhemenena kumarawero ghoyikonakona kukutha ghukatji ghomapenda agha ghana tapa.

Thitamenedhi: Thifikambapira – Dipepa dyoThirughana thopaShure (yifukunya)

Dina dyaMuhaterimo: Nomora dhaMuhaterimo:

Mayuwa ghoMarongathaneno:	
Mayuwa ghoKutapa thitrughana:	
Thiparatjangwa/thirughanitha thothitjo:	

MAPENDA

**Ñumbu
dhaMuhongi:**

.....

.....

.....

.....

.....

.....

.....

.....

Medhero ghaMuhongi: Ame kuna kwedha eshi yifukunya yothirughanitha thothitjo ne matorwero ghamuhaterimo thinda munyima dho kuyiniyarekera, no na kunga muhaterimo yu kate paruvdhe rokunyateritha Marongathaneno ghoThirughanatumwa. Kutunda po, mbadiko maghamweno ghongandji agha na mu pire, podigho eshi thirughana thi (omu mu di Marongathaneno ghokutangerera ghoThirughanatumwa, ghokunyateritha nomayuwa po), kutwara mughudimuki wange, ne thirughana thamuhaterimo thinda mumundinda wendi.

Dina dyaMuhongi:

Manyateritho ghaMuhongi: Mayuwa:

Makengwerero ghopanunda

Muhaterimo mbo ghana vuritha ko thitjangathimwetwedha thendi (ngambi yitundamo) no kutapa yinu yi kwamuhongi oyu mbo gha yi koreka nothikorekitho thokuroghera. Thirughanatumwa thokupwa kukoreka (ngambi yitundamo) mbo hana yi tumu kuDNEA ha ka yi kengurure panunda dhoshure. Hakengururi hopanunda mbo hana turitha po ndorwera thoyirughanatumwa (ngambi yitundamo) eyi mbo ha kengurura kukutha shure (dyango) ghu kengurura yirughana (yitundamo) no kutanaritha mapenda ngambi kughatjindja thika edi ya roghera. Yi di mudyo thikuma eshi mashure (mango) gha kona kudimuka eshi ethi thirughanatumwa (yikonakona yopashure) ne mbo yina dhemenena makonakonoghana ghoKUGHAMBA NOKUTEGHERERA pofotji nomutara ghokuhutha ghudheghetera kuyitjanga.

Mayendithitho ghondorwera dhawahaterimo

Hakengururi (hakevereri) hopanunda mbo hana tendi mandorwera ghokukwateramo thivarero thawahaterimo kukutha kehe shure (dyango). Yinu yira yirughanitha yothitjo eyi hana torora hahaterimo mbo hana yi thoteru pakutenda agha mandorwera.

YIKONAKONA

Yomudyo

Muhingo ghokukengurura yikonakona ne ghokuyeghumuka. Hakonakoni ha kona kurughanitha (kutapa) mapenda ghokuyara kukutha ghukatji ghomuthinga. Podigho eshi hahaterimo mbadi ha kona kurogherera (hashikwiri) mu kuwana mapenda ghomuthinga ghongandji; hakonakoni ha kona kutapa mapenda kukutha apa ghuna roghera muyangu wamuhaterimo. Ndjambi dhopakati komuyangu mwene nomutombo ghopamuve kukutha yinu yokukutjaa-tjaka mumarawero ghoyikonakona ne ha dhi tawedhera. Muruvedhe romakengwerero ghopanunda, maghorwero ghomapenda ghokehe shure (dyango) kukona kugharughana mu kughovorora rukorekitho roghukenya ngambi mu kutanaritha rukorekitho rokushukwera mapenda ghombango.

Marawero ghoYikonakona

Thikorekitho thino kwishi mbo hana thi rughanitha:

Thimbangu A: Thirughanatumwa (Yikonakona yopashure) – Yikonakona yoMapenda 20 (Dipepa 4)

YY5 YITHIMWATONGORA

Thitjo nomukunda – Thitjangatumwa

Hanuke ha kona:

Yith1 kufukunya, kughongawedha, kuyakunitha, kukengurura no kuyareka mapathwerero ghoyothitjo;

Yith2 kutapa ñumbu dhoghuhunga patjangwa kuyinu yokukuthigha-thigha yothitjo;

Yith3 kuturitha po ñumbu dhendi ghuneghedha yinu yothitjo kumapathwerero agha ghana ghongawedha.

Muthinga	Mapenda	Mashingweneno/Marawero
1	17 – 20	Ghana ghombatera thiwana shemwa pathitambo thoyifukunya nomepwero (yitambo); kurughanitha mughuhunga mapathwerero agha ghana ghongawedha; kurughanitha ghushupi ghonunderero dhomapathwerero mu kutanaritha yikuyuva nomatjwathaneno agha ghana tapa; yitundamo ne yina ghororoka noñumbu dhokurunduruka kutunda kumapathwerero.
2	13 – 16	Gha di nothitambo; thitambo thoyifukunya nomepwero (yitambo) yina keni; mapathwerero agha ghana ghongawedha kuna kugharughanitha muyikuyonga; yikuyuva nomatjwathaneno kuna kuyikengurura; yitundamo yina ghororoka noñumbu dhokunonga mapathwerero..
3	9 – 12	Mu di thitambo thongandji thoyifukunya nomepwero (yitambo) ngambi eshi mbadi yina keni thiwana; ghana ghongawedha mapathwerero, ene mbadi yina kukuwa nothitambo nomepwero (yitambo); kuna kutapa yikuyuva nomatjwathaneno gha shi gharava thiwana nopa nopaya; yitundamo mbadi yina ghororoka thiwana, ene ñumbu dhendi pamweya ne dhiwa.
4	5 – 8	Thinga thothipu kuthitambo nomepwero (yitambo); ghushupi oghu ghana ghongawedha mbadi ghuna kukuwa nothitambo ngambi mepwero (yitambo); yikuyuva nomatjwathaneno mbadi ghana yi kengurura pamurandu ghokupira mapathwerero mwene; yitundamo mbadi yina ghororoka thiwana noñumbu dhendi mbadi dhina kukuyenda nomapathwerero agha ghana ghongawedha.
5	1 – 4	Thinga kuthitambo nomepwero (yitambo) ne mbadi thina kumoneka; ghushupi oghu ghana ghongawedha mbadi ghuna kukuwa nothitambo ngambi mepwero (yitambo); yitundamo ne yomuhingo ghokuthimwetwedha ngambi kushingonona nomapathwerero mbadi ghana gha kengurura; yitundamo mbadi yina ghororoka thiwana noñumbu dhendi mbadi dhina kukuyenda nomapathwerero agha ghana ghongawedha .
6	0	Yinu yokupira kutambwera ndjambi.

MAKONAKONOGHANA GHOKUGHAMBA NOKUTEGHERERA

MAYENDITHITHO

Marongathanenoruvudhe

Makonakonoghana ghoKughamba noKutegherera gha kona kukara ko kaghonda kofotji kughutho ghokengena mumakonakonotjanga. Yoyiheyi yi kwa hokokeranga mu kutawedhera ruvedhe podigho eshi ha rongathane yimbapira yomakonakono ghopanunda ha ka yi kengurure. Dyango dyathinda dya kona kutokora ruvedhe rwadyo oru dina turitha po nodyango oku gha kukarera makonakonoghana gho.

Yirughanitha yoMakonakonoghana

Mbadi pakara dipepa dyomakonakonoghana ghano. Mayendithitho (marawero) ghoyikonakona noThiforomu thoMakamweneno Yikonakona yopaKanwa (TMYK) ya kona kukara kehe pano padyango (shure) no kukona kuyiwana wangu. Marugharo noyirughanitha yimweya yokukwata maywi noyishwi mughuye ghuno yo ha fundhwera ngenyu. Tusete ne mbadi ha tu tawedhera kuturughanitha.

Hakonakoni

Hahongi hoThimbukushu pamango hodigho ha roghera kughatapa agha makonakonoghana. Ngambikemo, dyango dyathinda kukona kutorora endi kunegha munu ghokupya no gha dimuka makonakonoghana gha eshi gha kona-kone makonakonoghana ghano. Ngeshi kukona, dyango dyathinda ha di tawedhera kurughanitha mukonakoni ghofotji mu kuningitha eshi yinu ne yi roghe pawangu noyiredhupe kukutha makurando nomuragho.

Kukwata hahaterimo

Hakonakoni ñanyi ha kukwata hahaterimo wahe mu**Mutara A noB**. Mbadi wa kurughanitha dyango dyokayoghototo ngambi kayoghototo kokambiru mbadi ha ka tawedhera kukawata muthikwata. Ghuwa thikuma mu kuthiyereka tango thikwatithitho (thikwata) kughutho gho ka thi rughanitha.

Thitamedhi eshi ngepi edi sho gha tameke mukonakoni noyikwata:

Dina dyaDyango : Shure dhaMax Makushe

Nomora dhoDyango : MM801

Makonakono munye : NSSCO Ndimi dhoKutanga ... Dighanohongitho: Dipepa 04 – Makonakonoghana ghoKUGHAMBA NOKUTEGHERERA

Mukonakoni : Muk. Valentinus Thivagho

Mayuwa : 4 ghaKatutu 2020

Kutunda po, muhaterimo ñanyi gha kumushingonone mukonakoni thika ngeno:

Nomora dhaMuhaterimo (thitamenedhi) 2030

:

Dina dyaMuhaterimo : Mashe Mashika

Kughuhura ghoyikwata, mukonakoni ñanyi gha kuhurithange ngeno eshi: “PO YINA HURERA YIKWATERA”.

Mayendithitho ghondorwera dhawahaterimo

Yi di mudyo eshi ndorwera ne dhimanene po ñaro dhomapenda agha ha tapire padyango dyo. Podigho eshi ndorwera dha kona kwimanena mo ghutanavu ghomuyangu wawahaterimo. Kumango ghomambiru ghohahaterimo homwishi dho 10, hahaterimo waheya ha kona kukara

mundorwera dhi, kuninga eshi thivarero thawo ne thina rikanya mundorwera. Mango ghohahaterimo hokupitakana pa 10, ndorwera dhawo ne hahaterimo 10 ngenyu. Ndorwera dhi dhoghuwadi ha kona kudhipweyura kuñaro dhomapenda no kudhitura parugharo rokukukarera. Mango gha kona kupungura ñaro dhomapenda ghoyikwatera ghure ghomyaka dhihatu.

YIKONAKONA

Yomudyo

Muhingo ghokukengurura yikonakona ne ghokuyeghumuka. Hakonakoni ha kona kurughanitha (kutapa) mapenda ghokuyara kukutha ghukatji ghomuthinga. Podigho eshi hahaterimo mbadi ha kona kurogherera (hashikwiri) mu kuwana mapenda ghomuthinga ghongandji; hakonakoni ha kona kutapa mapenda kukutha apa ghuna roghera muyangu wamuhaterimo. Ndjambi dhopakati komuyangu mwene nomutombo ghopamuve kukutha yinu yokukutjaka-tjaka mumarawero ghoyikonakona ne ha dhi tawedhera. Yomudyo thikuma kwawakonakoni ne GHUSHEMWA. Muruvedhe romakengwerero ghopanunda, maghorwero ghomapenda ghokehe shure (dyango) kukona kugharughana mu kughovorora rukorekitho roghukenya ngambi mu kutanaritha rukorekitho rokushukwera mapenda ghombango.

Marawero ghoYikonakona

Yikorekitha yino kwishi mbo hana yi rughanitha:

Thimbangu B: Mutara A Yiyareka, Mapenda 10 (Dipepa 5)

Muthinga	Mapenda	Mashingweneno
1	9 – 10	Kutapa yiyareka yokukena thiwana shemwa; mapathwerero ghomengi nomenaneno noyikuyuva ghana yi tapa; kuneghedha naro dhoghuhunga noghupu ghomakwirero; kughamba ghutjimapa no ghushindhura mañando mughuma mwene; kurughanitha ndimi dhodhidhungi yira matadhi nomathaghano; kurughanitha ruñandweya nomarongathaneno ghamweya.
2	7 – 8	Kutapa yiyareka yokukena thiwana; mapathwerero ghokurikanya nomenaneno noyikuyuva ghana yi tapa; kuneghedha naro dhoghuhunga, ene makwirero kughamona muyighamba yoyikukutu; kushindhura mañando nomighuma mwene; pamwe kurughanitha ndimi dhodhidhungi; kurughanitha ruñandweya nomarongathaneno ghamweya.
3	5 – 6	Kutapa madhi ghoyiyareka ene shimengwa kumutjokedha nopa nopaya; kutapa mapathwerero ghokukena ngambi eshi nomakwirero mo; kushindhura mañando nomighuma mwene; kurughanitha ndimi mwene dhodhiredhu; kurughanitha ndimi nomarongathaneno ghomaredhu.
4	3 – 4	Kutapa mapathwerero ghongandji noyighayara, ene shimengwa kumutjokedha thikuma pakuyareka; kukwira thikuma; kuyereka kushindhura mañando nomighuma; kurughanitha ndimi dhodhiredhu; kurughanitha ruñandweya nomahukurukero ghomañando noyighamba.
5	1 – 2	Kutapa mapathwerero ghongandji gha shi roghera kuthirughana; kughamba nomakwirero ghashawingi; kughamba ghushindhura mañando mumuhingo ghokuyitjwathana; kurughanitha ruñandweya rorupu ghutetaghura Mañando noyighamba.
6	0	Mbadi wa kukona kutapa kehe mapathwerero ghokuroghera. Mbadiko ghudimuki ghondimi karo mbadiko yendi mundimi.

Thimbangu C: Mutara B, Yikuvureka Mapenda 20 (Dipepa 5)

Muthinga	Mapenda	Mashingweneno
1	17 – 20	Kukuhatithera mo thiwana shemwa muyikuvureka; kuturitha po no kuwedherera muñambwe; kuwedherera yikuvureka no kukoka ñumbu dhamuteghereri; kurundurura thiwana shemwa thirughanatumwa kumadhi ghamweya noyinu yimweya; mbadi gha kurupera mumatjokedhero nomepzero ghamuteghereri; kurughanitha thiwana yirughanitho yondimi yira: diywi, makurimbo, madhundekero noyimweya kengeyo; kuhutha thiwana shemwa ghu tjimapa mepzero, mughudhungi; kukengurura mitara dhodhihe; kutanaritha no kurundurura memaneno.
2	13 – 16	Kukuhatithera mo thiwana muyikuvureka; pamweya kuturitha po no kuwedherera muñambwe; kuhutha mepzero mughuhunga; kurundurura thiwana thirughanatumwa kumadhi ghamweya noyinu yimweya; kukondja eshi mbadi gha kurupere mumatjokedhero nomepzero ghamuteghereri; kurughanitha thiwana yirughanitho yondimi yira: diywi, makurimbo, madhundekero noyimweya kengeyo; mu kuhutha mepzero, mughudhungi; pamweya kukengurura mitara dhodhihe no kutanaritha memaneno.
3	9 – 12	Gha nyanda matjokedhero mu kurundurura muñambwe; hashha kuna kuhutha dipzero; kuhutha mepzero mughuhunga; pamweya kukurupera kumepzero nomatjokedhero ghamuteghereri; kukondja thiwana eshi gha rundurure thirughanatumwa kumadhi noyinu yimweya; kurughanitha mughuhunga yirughanitho yondimi yira: diywi, makurimbo, madhundekero noyimweya kengeyo; kutapa memaneno; pamweya kutanaritha memaneno ghendi.
4	5 – 8	Pamweyane gha di nomatamangero ghomarughanithero ndimi; maghano ghamwe ghokuhatera thiparatjangwa kumoneka; kuhutha mepzero nomatjokedhero ghongandji; kughugapa pamepzero ghamuteghereri; gha nyanda matjokedhero kughutho ghokurundurura thirughanatumwa kumadhi noyinu yimweya; ghupu marughanithero yirughanitho yondimi yira: diywi, makurimbo, madhundekero noyimweya kengeyo; kutapa yitongora yongandji.
5	1 – 4	Gha di nomatamangero karo yina tjinaghuka; kuhutha mughufupi mumuhingo ghokudhira kukena; mbadi wa kuhutha mepzero nomatjokedhero; kughugapa pamepzero nomatjokedhero ghamuteghereri; mbadi wa kuyakunuka kuthirughanatumwa thendi; mbadi wa kukona kurughanitha yirughanitho yondimi yira: diywi, makurimbo, madhundekero noyimweya kengeyo.
6	0	Ghana tapa yinu yokupira kutambwera ndjambi

Kurikanyitha makonakonoghana ghawahaterimo

Muyangu wawahaterimo mbo ghu dhemenena thikuma kumayendithitho ghomakonakonoghana nonaro dhokwipura mepwero edhi gha kutorora mukonakoni (mwipuri). Podigho eshi hakonakoni ha kona kwipura hahaterimo mepwero ghonaro noghukukutu ghokuwarikanya.

Kutegherera muyikuvureka

Kutunditha ko madhundekero eshi makonakono ne ghokukona-kona ghundondoro ghokughamba, hahaterimo ha nyanda kuneghedha maghundondoro ghawo ghokutegherera. Kutegherera ne ghundondoro ghomatambwero no kukona kughukona-kona ngenyu mumaghundondoro ghomashwaghithero: kughamba ngambi kutjanga. Mumuhingo ghu, ghundondoro ghu kughukona-kona mu kughamba. Kukutha marawero ghoyikonakona, hahaterimo ha nyanda:

- kuhutha thiwana mepwero, mughudhungi ghutjimapa
- kuthotera memaneno ghamweya
- kunongonona yitongora yokuhoroma noghukaro

Eyi kukona kuyikumitha mo ngeshi hahaterimo ha tegherera. Podigho keho eshi mukonakoni gha kona kwipura mepwero muthikuvureka mu kukona-kona maghundondoro ghokutegherera. Mukonakoni ha mu ghayarera, muruvedhe rwendi rokwapura, kutenda ghukaro mwene mumañando noyighamba yokuningitha muhaterimo gha “nongonone yitongora yokuhoroma noghukaro” ghu dhira kufitha honyi ngambi kuneghedha ghukashu wamuhaterimo.

Yikuvureka kwa yi fundhwera yi kare manungwero ghoyiyareka mbadi mahukurukero ghothirughanatumwa thamuhaterimo.

MAKENGWERERO

Thitambo thomakengwerero

Thitambo thomakengwerero ne thokutanaritha eshi mango ghomaheya kuna kurughana makonakonoghana kukutha marawero noyikonakona yi di panaro dhokukuwa.

Ndhika dhomakengwerero

Ndhika dhomakengwerero gha ne mukugharava mapenda agha ha tapa padyango dyongandji mbadi mitiri ghongandji oyu gha yendithire makonakonoghana. Pamurandu ghokemo, yi di mudyo eshi makengwerero ghomwimi dhodyango (shure) gha kona kukara ko padyango dyo no kugharughana hamitiri hokupitakana payofotji.

Makengwerero ghomwimi

Ngeshi hahongi (hakonakoni) gha ha pitakana payofotji awa hana kutenda makonakono gha padyango dyofotji, yi di mudyo eshi ñaro dhomapenda dha kona kupwa kukengururura pangamu dhomayendithitho ghoshure no kutura naro dhagho dhofotji. Eyi kukona kuyirughana Dipeghe dyaMukurughoshure edi dya yendithanga mandimi pashure dho ngambi muhongishokuru oyu ha torora mukukengurura Makonakonakono ghoKUGHAMBA NOKUTEGHERERA. Mukengururi ghomwimi (pashure/dyango) gha kara nongcamu dhokughovorora ngambi kuwedherera mapenda kukutha ghukenya endi ghukashu oghu ghana nongonona mwamuhongi oyu gha tapire makonakono. Ngeshi mukengururi ha nongonona eshi yikonakona mbadi ya yendire po thiwana no kutenda matjindjerwero ne ghukukutu, aye kukona keho kutongwera ko mukurughoshure eshi makonokono gha ha kona kughahukuruka.

Makengwerero ghopanunda

Makengwerero ghopanunda dhoshure ngambi dyango mbo ghana rughananga *Directorate of National Examinations and Assessment (DNEA)*. Marugharo mawadi kughatuma kuDNEA: (i) Ñaro dhomapenda noThiforomu thoMakamweneno ghoYikonakona yopaKanwa (TMYK), Eyi kuyitendera kemo mukushaghekitha po maranga ghokutuma ndorwera ngeshi hana yi nyanda. (ii) Rugharo rokukukarera rwawahaterimo awa ha di mundorwera. Rugharo ru kurutjanga thiwana muyikurutjanga eshi “NDORWERA”.

Ñumbu

Kutunditha ko yitundamo yokupakerera mango nawahaterimo muMakonakono ghoKughamba no Kuteghera, yitundamo yokunonga mango ghathinda mbo hana yi tumu munyima dhokushwagha yitundamo yomakonakonotjanga. Eyi yitundamo yokutamba dyango dyo pangamu dhamukengururi ghopanunda mbo yina dhundeka yino yina kurandako: rukwateritho, ndorwera, rwipuritho, rukonakonitho nokehe ñumbu edhi dhina tamba shure ngambi dyango dho kukutha mwamukengururi ghopanunda.

Kukoreka hakonakoni

Mukengururi ghopanunda mbo ghana konakona no kutapa dipenda kwamukonakoni oyu gha tapire makonakono gha. Eyi ne yi di mudyo mukunongonona hakonakoni awa ha nyanda maghamweno nodeghura.



The National Institute for Educational Development

P/Bag 2034

Okahandja

NAMIBIA

Telephone: +264 62 509000

Facsimile: +264 62 509073

E-mail: info@nied.edu.na

Website: <http://www.nied.edu.na>